

## ***Siti Nurhaliza Cinta Di Awan* bakal berlangsung di Resorts World Genting pada bulan Ogos ini!**

**Genting Highlands, 18 April 2024** - Adakah anda peminat lagu-lagu seperti "Purnama Merindu", "Cindai" dan "Anta Pernama"? Jangan lepaskan peluang keemasan untuk menikmati dan menghayati persembahan langsung dari Dato' Sri Siti Nurhaliza pada 10 Ogos 2024, jam 8.30 petang di Arena of Stars, Resorts World Genting!

Dato' Sri Siti Nurhaliza, ikon muzik Malaysia yang melangkah jauh dengan bakat vokalnya adalah nadi penting dalam industri muzik negara. Prestasinya yang gemilang dalam menerima pelbagai penghargaan muzik termasuklah anugerah-anugerah tempatan dan antarabangsa seperti empat MTV Asia Awards, tiga World Music Awards, dan dua Anugerah Muzik Indonesia membuktikan kejayaan beliau yang mengagumkan. Dato' Sri Siti Nurhaliza juga memenangi juara utama dalam pertandingan Voice of Asia di Kazakhstan dan pemenang anugerah emas iaitu juara di pertandingan Shanghai Music Festival di Shanghai. Kini, beliau adalah antara artis yang paling berpengaruh dan diminati di Malaysia dengan penjualan rekod melebihi 6 juta unit.

Beliau yang terkenal sebagai "Voice of Asia" dengan koleksi 20 album studio telah mencatat sejarah sebagai penyanyi Asia Tenggara pertama yang mengadakan konsert solo di Royal Albert Hall di London pada tahun 2005 dengan diiringi oleh London Symphony. Selain itu, beliau terkenal kerana sering berkongsi pentas dengan penyanyi-penyanyi tersohor seperti David Foster, Michael Bolton, Katharine McPhee, dan Gareth Gates dalam pelbagai acara muzik dan konsert.

Para peminat berpeluang untuk berinteraksi secara langsung dengan diva terkenal sambil menikmati lebih dari 20 lagu-lagu hit sepanjang karier muziknya sejak lebih dari 25 tahun pada malam konsert tersebut. Saksikanlah persembahan yang menakjubkan penyanyi sensasi Malaysia yang akan turut menyampaikan lagu-lagu dari album terbarunya, *Sitism*.

Nantikan malam fenomenal bersama Dato' Sri Siti Nurhaliza di Arena of Stars pada 10 Ogos ini! Tiket untuk *Siti Nurhaliza Cinta Di Awan* akan tersedia untuk dibeli pada **25 April 2024** mulai jam **12 tengah hari**. Harga tiket adalah RM688 (VIP), RM498 (PS1), RM388 (PS2), dan RM248 (PS3).

Ahli *Genting Rewards Card* (Kad Ganjaran Genting) berpeluang menikmati diskaun tetap sebanyak 10% melalui pembayaran tunai, kad kredit, atau penebusan Mata Ganjaran Genting yang hanya sah bagi pembelian tiket VIP, PS1, dan PS2. Setiap pembelian tiket akan dikenakan caj pemprosesan tambahan sebanyak RM4.00.

Untuk maklumat lanjut dan pembelian tiket, kunjungi laman web [rwgenting.com](http://rwgenting.com) atau [myticket.asia](http://myticket.asia).

– Tamat –

**Untuk sebarang pertanyaan media, sila hubungi:**

**Ms Mei Yeap Lee Mui**

Assistant Manager  
Public Relations & Media  
Genting Malaysia Berhad  
Tel: (603) 6105 9447  
Email: [mei.yeap@rwgenting.com](mailto:mei.yeap@rwgenting.com)

**Ms Shannen Ng**

Executive  
Public Relations & Media  
Genting Malaysia Berhad  
Tel: (603) 6105 9362  
Email: [shannen.ng@rwgenting.com](mailto:shannen.ng@rwgenting.com)

**Mengenai Genting Malaysia**

Genting Malaysia merupakan salah satu syarikat rekreasi dan hospitaliti terkemuka di peringkat global. Ia tersenarai di Bursa Malaysia dengan nilai pasaran kira-kira RM16 bilion. Genting Malaysia memiliki dan mengendalikan beberapa resort utama, antaranya Resorts World Genting (RWG) di Malaysia, Resorts World New York City (RWNYC), Resorts World Catskills (RW Catskills), dan Resorts World Hudson Valley (dimiliki 49% melalui syarikat bersekutu) di Amerika Syarikat (AS), serta Resorts World Bimini (RW Bimini) di Bahamas, Resorts World Birmingham (RW Birmingham), dan lebih daripada 30 kasino di United Kingdom (UK). Tambahan pula, Genting Malaysia juga memiliki dan mengendalikan dua resort tepi laut di Malaysia, iaitu Resorts World Kijal di Terengganu dan Resorts World Langkawi di pulau Langkawi.

Dengan lebih kurang 10,500 bilik merangkumi tujuh hotel yang berbeza, Resorts World Genting (RWG) merupakan destinasi resort bersepadu utama di Malaysia. Resort ini menawarkan pelbagai kemudahan riadah dan hiburan, termasuk permainan, taman tema, tarikan hiburan, tempat makan, kedai runcit, serta pertunjukan antarabangsa dan fasiliti konvensyen perniagaan. Genting SkyWorlds, sebuah taman tema kelas pertama yang bertaraf dunia, menjadi tarikan utama yang menambah lagi kepelbagaian hiburan di RWG. Selain itu, Genting Highlands Premium Outlets (sebuah usaha sama antara Genting Plantations Berhad dan Simon Property Group) yang terletak di pertengahan bukit, melengkapkan tawaran premium RWG yang meluas dan menegaskan kedudukannya sebagai penyedia hiburan dan riadah terkemuka di rantau ini.

Genting Malaysia merupakan sebuah entiti dalam Kumpulan Genting, sebuah korporat multinasional terkemuka yang diiktiraf sebagai peneraju dalam pengurusan di Asia. Kumpulan Genting dikendalikan oleh Tan Sri Lim Kok Thay, seorang usahawan berwawasan yang telah berjaya mencipta jenama Resorts World sebagai penggerak utama dalam sektor riadah dan hospitaliti di Malaysia, Singapura, Amerika Syarikat (AS), Bahamas, dan United Kingdom (UK). Tan Sri Lim Kok Thay turut memiliki pelaburan strategik dalam pelbagai industri di peringkat global, termasuk dalam sektor perladangan kelapa sawit, pembangunan hartanah, penjanaan kuasa, minyak dan gas, pelayaran, serta bidang bioteknologi.